



Päärnai da nuõri reäkkõõzzi da reeidai šiõtt'tõõll- mõš



Päärna da nuõr vuei'tte lee'd reäkkõõzzi da reeidai vue'ssbie'llen. Vuâlla 15-äksa kriminaal'laž tuâjain kaddum oummu jîä leäkku reäkkõõzlaž va'steemvuõdâst, le'be si'jjid ij vuei't suudâd reäkkõõzzâst. Sij liä kuuitâg va'steemvuõdâst šõõddtum häaitain.

Šiõtt'tõõllmõšše vuei'tet vä'ldded määngnallšem reäkkõõzzid le'be reeidaid, koin vue'lläksa liä vuäzzli'žžen. Šiõtt'tõõllämlääl'j (1050/2005, 3 §) mie'ldd suävtõõllämnalla ij kuuitâg vuäžž vä'ldded vue'lläksa vuâstta tuejjuum reäkkõõzz, jõs reäkkõõzz vuâlla jouddâm oummust lij reäkkõõzz šlaaj le'be ää'jjes diõtt jiijjâsnallšem suõj tarbb.

Šiõtt'tõõllämaalgtõõzz vuäitt tuejjeed

- reäkkõõzz le'be reeid vue'ssbie'll
- huõltee'j le'be ouddõsvuäppi
- pää'les, su'vddi, mättstrooi'tel, sosi-aaltâimm le'be jee'res ve'rğgnek.

Jõs haa'läak tuejjeed šiõtt'tõõllämaalgtõõzz, vää'ld õhttvuõđ jiijjad vuu'd šiõtt'tõõllämkontra. Ööldâsviõkkvä'lddreäkkõõzzin tâ'lk pää'les le'be su'vddi vuäžž tuejjeed šiõtt'tõõllämaalgtõõzz. Šiõtt'tõõllmõš lij vue'ssbie'lid jiõčvääldlaž da mäaustem.

Šiõtt'tõõllmõš oudd vuei'tlvažvuõđ

- vuei'nned jee'res vue'ssbie'lid staan pirrõõzzâst
- kiõtt'tõõllâd šõddmõõžž
- ko'rjjeed šõddmõõžž šõõddtem häaitaid
- pue'reed oummui kõskkvuõđid.

Šiõtt'tõõllmõõžž ouddnummuš

- Šiõtt'tõõllämkoontâr väldd õhttvuõđ vue'ssbie'lid da se'lvvad, vuei'tet-a šiõtt'tõõllmõš jätt'ted. Vue'lläksa jiijjâs miästtmõõžž lââ'ssen taarbšet

še huõltee'ji le'be ouddõsvuäppi miästtmõõžž.

- Jõs šiõtt'tõõllmõš jättai, äšša va'lljeet suävtõõli.
- Suävtõõli reä'sše õhttsaž vuõin-nlõõttmõõžž da taarb mie'ldd še vuõinnlõõttmõõžžid õhttu.
- Huõltee'j vuei'tte vuässõõttâd vuõinnlõõttmõõžžid, jõs tõt lij vue'lläksa ouddõõzz meäldlaž. Vuâlla 15-äksa huõltee'j ij vuäžž kuuitâg ke'ldded vuässõõttmen.
- Jõs vue'ssbeä'l peä'sse šiõtt'tõõlläm-vuõinnlõõttmõõžžâst suäppma, vuei'tet raajjâd keerjlaž suäppmõš. Šiõtt'tõõllämkoontâr vuäitt vuäp-pâd suäppmõõžž teäuddjummuž.

Šiõtt'tõõllmõšše kooll kääzzkõs-vuä'pstõs. Šiõtt'tõõllmõš ij vie'ltkani viigg reäkkõõsprosee'ss puuttmõšše. Veerglaž viärtõõzz vuällsain reäkkõõzzin su'vddi tu'mmad, mä'htt ä'sš ouddan, jõs tuejjei lij pä'jjel 15-äksaž.